

江西詩徵

江西詩徵卷五十九

南城曾煥寔金編輯

明

余弼

弼字相之號柳溪武寧人弱冠有文名嘉靖間與
李鼎汪應婁結匡山詩社以尙象山郡主授朝列
大夫里居從羅洪先鄒守益遊講良知之學

大陂潭

大陂潭水碧千古名流照幾回倒影天光長作鑑此
中只許月飛來

遊靖公巷

尊真偶入靖公菴
趺坐蒲團味獨諳
山色到簾成幻影
花香入座似優曇
半生塵事勞心夢
一段禪機付手談
牧笛數聲殘照裏
又隨馬首向東南

柳山

鳥道盤雲幾萬重
昔人晦蹟此高峰
何時結屋蓬蒿裏
礪戶蕭蕭對古松

二難湖泛舟

宦情今對白蘋洲
世外相看尚有鷗
地僻不聞絲竹勝
逢人休更說江州

余長祚

長祚字靈承武寧人
弼子八歲能詩年十二補諸

生入太學恥謁貴要無所遇遂歸從父講學賓陽
莊尤好爲詩日可數千言大學士張位奇其才累
徵不就

飲林康侯館

不似居城市蕭然野趣深椰尊容款酌竹榻縱披襟
歌歇鶯能續書翻蠹可尋相過惟一醉應是故人心

黃厓書屋贈別沈孺林

空齋高枕到斜曛客過能書白練裙懶癖自憐嵇叔夜詩
才誰敵沈休文一尊斟酌花間雨孤棹夷猶水上雲灌木
陰森囀黃鳥相求恨不共君聞

山居卽事

驕雲恒作旱畏日不成秋擬就青林樂還生赤地憂風多
依瘴起泉已斷谿流生計吾誠拙勞歌詎足酬

草澤愁如許桑林事有無山川行禱遍涓滴望來枯真宰
應難測浮生盡可虞羊求儻相過多恐徑先蕪

持金朝入市問糴暮空還橡栗家家拾葵蔬頓頓艱空雷
猶隔地毒霧不分山試看眉間色何人一破顏

如何荒札後白晝虎縱橫不待封狐假時看弱肉并松關
嚴蚤閉樵徑戒宵征北渡非難冀應傳異政名

旱後黃尉見訪山中兼訂入邑之期

寂寞衡門掩薜蘿殷勤仙尉遠相過開尊一任烹葵薄懸
榻仍勞折簡多鴈影千山憑望迥砧聲萬戶奈愁何知君

保障遺民意不待重陳雲漢歌

筠雪樓秋思

西風一夜到林邱
冰簟銀牀半是愁
旅鴈影傳征塞冷
鄰
砧聲落故園秋
花開別浦芙蓉岸
露下空江蘆荻洲
萬里月明天似水
獨懷無寐起登樓

秋日山中有懷方比部士功丈

空山容易勸離思
況是風梧露竹時
遙憶美人秋水居
然仙吏白雲司
三朝冠冕推先達
一代文章感曠知
最愛江樓好乘興
相從載酒訂前期

連理松

鐵幹扶疎老石壇
千尋高出白雲端
排空雷雨靈長護
坼

地虬龍勢互蟠黛色對分雙嶺秀濤聲不斷四時寒天家
梁棟尋常事珍重行人飽眼看

費懋謙

懋謙字民益鉛山人家子以蔭入爲御史臺都事
與楊懋功陳玉叔結詩社尋遷南左樞參軍爲青
溪社首倡又於樞府第構籌筆軒客星槎山人墨
客延接無虛日

相逢行別吳中四子

與君相逢處乃在青溪濱何意溪頭柳能令傷客神與君
相逢處乃在邀笛閣何意笛中曲能令心不樂與君相逢
處乃在射堂上何意堂前月勞勞生夢想與君相逢處乃

在冶城宮何意台中劍飛躍各西東我昔承清盼君亦憐
我姿願以朱絲絃報君青桐枝終日不成縷對君空自持
願以江干菼報君蘭蕙芳終日不成翳對君空自將願以
青玉盃報君金琅玕終日不成琢對君倚長歎願以錦繡
段報君貂襜褕終日不成章對君長煩紆贈君愛流晷我
亦憤區區所貴各努力聚散誰能無中情旣欸欸徙倚亦
何須古人皓首言君諒我不殊

樂 鐘

鐘字用鳴新建人嘉靖間以祖勲世襲指揮僉事
好爲詩與余曰德往來有集

望湖亭

吳城高閣俯青鬟萬頃鄱湖一望間積雨滿天渾似海長
風吹浪欲無山魚龍夜宿孤根沒鸛鶴朝飛別浦還細讀
坡翁亭上句始知才思有仙頑

夕佳樓

五月南風吹客衣江城野色動郊扉白雲天際鳥孤沒青
草堤邊帆亂飛一笑風塵同鹿夢百年踪跡付漁磯當時
避暑曾登此河朔于今願已違

饒宗嶽

宗嶽字以申新淦人思聰子以父廕効力兵部中
南京武舉恥以武弁干仕從王龍溪王塘南究性
學尤工詩有浪遊吟鍾陵遊詠山陰會語

雙忠廟

罵賊睚陽日江淮賴保全忠魂千載後猶自障金川

俞獻可

獻可信豐人博學通天文兵法諸書胡宗憲辟羅
中與唐荆川茅鹿門爲友後官陸涼知州

粵寇掠江東制府陸公徵佐蔡水南軍幕寇平紀事
毒霧連山未肯收中丞仗鉞到炎州數莖綠髮綠誰白總
爲江東父老憂

五嶺風烟鬱不開劃然雷雨一時回髑髏滿地輕如葉真
有刀州入夢來

大將旌旗映日紅旄頭夜落海天東風傳鼓角千山靜雨

潤桑麻四野同

曾廣翰

廣翰清江人嘉靖閒由明經授岑縣令猺獠相率
歸化再補大埔縣追回各縣侵田以千計遷廣州
通判督餉平番有功進階致仕

彩雲峰

布襪芒鞋更入山十年幽賞暫開顏巖虛自聚金銀氣樹
古都成虎豹斑隱隱神洲浮海角遙遙仙籟響雲環卻憐
鴉背無多影空帶天風兩袖還

宋九儀

九儀字夔卿萬載人嘉隆閒以鄉貢授建寧令捐

俸積穀民呼宋公倉爲建生祠取木主歸曰吾不務虛名也乞養歸三十餘年卒

淨安寺

淨域臨江滸僧堂瞰石門風雲隨去住鐘鼓自朝昏天棘閒秋色蒼苔剝路痕猶懷元閣草燈火夜深論

查應元

應元字至卿寧州人仲儒子嘉靖中貢於朝官通判

南山院

古刹何年業鞭橋跨碧池穿雲通石髓畏露避松枝洞暗龍吟晚花深鶴睡遲摩挲看古刻猶有宋人詩

閔桓

桓字國威鄱陽人淹通五經嘉靖間貢於鄉授留
守司經歷擢兗州府通判有廉名著有文政管窺
口占却饒金者

義利源頭仔細尋肯將一介易千金
四知曾向臺前過要使人知暮夜心

張時

時字用中清江人博綜羣籍歷試不舉嘉靖中貢
於鄉謁選爲歸州訓導歷蘇州教授引年歸

崇真觀

喬木陰陰入望齊數聲啼鴉野橋西
道人底事關門臥花

落花開路易迷

東皂嶺

百仞嶙峋插碧空丹梯曲曲步從容
四山雲氣盡爲雨一徑秋聲半是松
招手引來遙海寇浩歌驚起斷巖龍
青牛白鹿知何在謾對山靈覓舊蹤

閔文振

文振字道充浮梁人嘉靖間貢於鄉
教授嚴州有詩話文話等書五十餘種

觀音寺

蒼藤錯亂碧苔深兩月山中似避人
多事東風爲粧點嬌花寵柳許多春

干城

城字維鎮新淦人少聰穎篤行爲鄉里表率嘉靖間官臨川訓導

贈王孝行

素韞古來稀逢君慰我悲
皐魚孤子淚蠶績邑人思
喬木千年在狂瀾一柱誰
慈幃餘愛日莫愴蓼莪詩

程文廣

文廣字孔博鄱陽人嘉靖間貢於鄉官興化訓導

詩家

元末魯修偕其友十人墜詩處

魯男子天下奇青鞵蹋遍江東西
曾中豪氣臨雲夢吐詞
滾滾驚蛟螭下戈四塞風塵黑
收拾瑰奇墜山窟一坏黃

土托珍藏荒草纍纍竟誰識公有詩山識公寥落一百六十載誰復問訊山之中慚余白首空弔古把劍尊前爲公舞何當手斲山中雲石破天荒借詩補

陶集

集貴溪人嘉靖中分教揚州

題畫蒲桃壽楊公

萬斛驪珠帶雨鮮摘來浸酒薦春筵枝頭賸有千千顆一顆期君壽一年

鄒翰生

翰生字從吾新昌人嘉靖中官長沙教諭

送吳均才之京

溪水何泠泠汀樹何青青一重山色好遮却短長亭

萬廷策

廷策武寧人嘉靖中官桃源縣教諭

鐘鼎山

石鼎封幽室爐灰冷舊山春風笑相問花落不曾開

應銳

銳字汝恒號純吾靖安人嘉靖中貢於鄉

釣亭

清漪繞魚磯結茅向烟表本異韓侯逃寧甘任公老爾彼
汲裘翁高尚非潦倒何處托綸竿桐江秋正好

陳文中

文中泰和人嘉靖間副貢

官橋書所見

白馬橫江氣似雲千絲垂柳趁斜曛
澗虹相映野人服鷺鷥飛來殊不羣

俞通

通字用中信豐人少有志操嘉靖中選寧府儀賓
不就築畊雲釣月軒日事吟詠自號養氣翁

覽秀亭

新構層樓接上臺將軍暇日共徘徊
城臨秋水天初霽山近斜陽霧欲來
宮殿虛無雙眼迥樽罍歡洽百年開
何當生際昇平世日日相期醉綠醅

聖山

偶來攜客上方遊樓殿飛空紫翠浮此地登臨絕塵想致身何必在丹邱

蕭端岳

端岳字次峰泰和人工隸書聶豹羅洪先雅重之
石蓮洞

十年奔走探奇路晚憩煙霞有石蓮學道竟忘丹鼎貴就詩長聽玉堂元仙人倚桂思招隱山鬼牽蘿欲放顛更有懸崖能貯日泉聲盡處恍通天

蕭端已

端已泰和人隱居不仕

錢王疑塚

在南阿相傳
錢宣惠二墳

前代官家列塚多瀕江十里幾陂陀圖經已紀金雞識民
俗猶傳玉燕窠輦路年深餘蔓草寢園址廢見蓬科錢吳
尙有遺孫在莫棄松楸守澗阿

孫開

開豐城人

望城庵

試問藏名地無如此處幽梁間棲野鶴樹杪出行舟片月
千峯照雙泉百道流寄言方外者莫只戀丹邱

望城庵酬宗良王孫見寄

空門學法禮文殊山色籠嵒石磴紆半嶺松風題碧落一

江水月晝平蕪花宮清梵微微度玉鼎輕烟片片孤讀罷
淮南招隱賦可能珍重勝尼珠

李 頊

頊南豐人

石仙觀

一逕平蕪綠映川松楸影傍古壇圓寒巖欲盡疑無路曲
實相傳別有天步躡雲根須此日身居樹腹美當年石痕
隱約留雙掌但得登臨便已仙

劉秉節

秉節南豐人

軍峯

千巖萬壑起重樓高人寒霄薄斗牛鳥道斜連喬木上仙
源直入亂雲流天光隱映芙蓉曉黛色熹微薜荔秋記得
鋤雲曾種玉滿林空翠濕峯頭

鄧倬

倬南豐人

登軍峯

路入軍峯第九重芒屨直上最高峰洞臨絕壁騰丹火瀑
掛遙岑走玉龍老樹幾經秦歲月斷碑猶紀漢提封勝遊
塵慮消除盡不羨盧敖石髓逢

張鑾

鑾字顯文萬載人多善行隆慶初年九十三舉鄉

飲大賓壽百有七歲

百歲作

石田茅屋野人家
百番春風換歲華
盡道長生緣辟穀
不知香飯有胡麻

張墾

墾字禹卿南昌人
隆慶初諸生有白榆園稟

遊蕭峯

蕭史騎鳳凰
南遊過荆楚
鳳飛不可見
仙人定何所
忽逢田舍翁
邀我烹雞黍
自云不百年
茫茫在塵旅
歷茲千歲間
誰能辨其處
鳳臺空有名
亂石見荒礎
四顧皆青山
中有黃鸝舉
翔翔不可攀
吾意欲爲侶
嗟嗟萬里身
孤飛竟

誰許

送仲逸同懋功太守遊滇池

滇南西去在天涯
匹馬先看楚地花
但有故人嚴僕射
杜陵隨處卽爲家

孫曉

曉字東白德興人
需子隆慶初以父蔭入國學不
仕或諷之答曰父以清白仕子以清白隱有竹陂
漫橐

鄱陽舟中漫筆

擊楫中流坐鄱湖
四望迷天空疑日近水闊覺山低
破浪心猶壯乘風運不齊
停橈閒訪古酹酒一留題

蕭允儒

允儒字宗魯清江人隆慶元年鄉舉知黃陂縣民
化其德歲旱禱雨輒應稱曰蕭公雨後引疾歸有
自得堂集

唐斗山郡丞遣使持惠讀書臺詩賦此紀謝

世路岐燕越傾蓋誰爲歡美人起湖湘分符莅蕭灘過存
衡門下讌語芬幽蘭佩我百和英將之金琅玕琅玕何鄭
重三復聲珊珊勗我景前修高義切雲端感此綢繆意展
轉坐更闌楚山聳天外北斗正芒寒願溥高明德四海慰
彫殘

蕭元崗

元崗字汝高泰和人隆慶元年鄉舉歷知東安淳
安以治行擢比部郎顧憲成主銓事擬注大名觀
祭被讒歸孫丕揚疏薦不赴及卒鄒元標爲銘其
墓

溪山精舍

草閣荒虛鎖翠煙迴巒曲澗互盤旋藤蘿入古潭如畫風
月如今不賣錢

蘇大成

大成字汝願號損齋寧都人弱冠舉隆慶元年鄉
薦授湖廣遠安令有政聲累官韶州府

二僊下碁石

半岷平石二癯僊坐隱金精閣幾年碁子至今猶未落不知一著讓誰先

蕭淵

淵南城人隆慶元年選貢官雲和知縣

宿麻姑山

歲月浮生走陌車杖藜今擬住煙霞種來竹葉青於酒分得楓林艷奪花絕勝閒中尋羽客不妨岐路過田家山南山北年年好身世飄蓬海上槎

張位

位字名誠南昌人隆慶二年進士授編修遷司業以糾江陵奪情謫徐州同知後累官少保兼太子

太保吏部尙書武英殿大學士謚文端有叢桂山
房彙彙

七夕

塞月催砧急天風襲袂深星河良夜色牛女隔年心
莎逕流螢度花陰促纖吟平生江海意荏苒二毛侵

秋夕憶鄧定宇兼訊玉隆宮舊構逍遙淨廬

玉皇無計返仙輶茂苑西歸事灑然猿鶴笑迎山更碧水
雲緣在月長圓庭心柏偃千年翠鼎面檀浮五色煙惟羨
陶君真宰相榮名不涉大羅天

紫清觀

逢泉皆可坐磐石自成吟樹樹藤蘿好山山紫翠深人稀

鸞在谷院靜鶴歸林何福生居此桃源莫更尋

雲蓋寺

深山古寺佛燈明松竹森森鐘磬聲野衲只知功果事千秋猶自說南平

江天閣

片帆煙雨暮潮間山在江心閣在山波影搖寒新石塔鐘聲破寂舊松關好峰當面雲生滅流水何情客往還樹外夕陽城市近喧闐車馬抗塵顏

宿化城寺

峭磴疑無路靈源別有天暮煙籠合嶂春水漫平田境僻少塵事山空清客眠外籟含內美此地得真詮

朱孟震

孟震字秉器新淦人隆慶二年進士累官副都御史巡撫山西威德並著以疾告歸有郁木生全集汾上續談浣水續談

聶翠樓

中州勝地擁層樓環抱千山景更幽初日到簾時有鵲淡雲飛棟白於鷗丹青摩詰宜圖畫詩酒東坡稱賞遊老子青藜何日過曲欄高倚賦重留

蒼雪齋

早歲辭榮出建章高齋憑几雪蒼蒼檐光曉濕蜘蛛澗花氣晴薰蛺蝶香座上客來歡不速盃中酒滿醉何妨看君

晚節誰能似無限秋風菊盡黃

觀音閣

城外巖巒此更雄芙蓉影矗大江東
開尊坐覽千峰雨倚檻遙憑萬里風
卽恐波濤翻鷺嶺恍疑金碧射龍宮
飄飄條有凌雲思天上蓬萊日正紅

送周郡守

千騎西方擁使君杯前行色莽風雲
江湖地接雙旌入牛斗天懸一劍分
臥閣定知花遶檻隨車應見鹿爲羣
自逢公瑾心長醉不是離筵酒易醺

秀水湖

秀水湖頭春可憐遶隄花柳媚遙天
風微鳬鷺參差下日

麗樓臺紫翠連龍氣深湫晴似雨馬蹏芳草煩浮煙白雲
自是神仙署誰道蓬萊弱水邊

登雲寺

山寺雲深五月寒門前犀石倚巖岼波濤倏倏傍秦江轉神
怪翻愁晉渚看未擬三車窺法界且憑二雅醉騷壇諸天
風雨泠然至不信恒河欲渡難

送傅太學還新喻

一雨江城九夏寒百壺餞爾且爲懽眼中故識麒麟種天
上今遺獬豸冠舟楫大川浮日月篇章壁水動波瀾雁行
歸日應相慰莫忘西風振羽翰

和答正甫

幽意苦不愜清歡良未期如何汾水上忽枉故人詩芳草
王孫路朱華帝子池相思隔年歲河漢正高垂

謁張桓侯廟

英姿颯爽氣雄哉恍惚晴霄風雨來一代君臣元伯仲千
秋祠廟倚崔嵬乾坤已限三分業熊虎空懷上將才正是
雲安春月夜杜鵑啼徹不勝哀

范謙

謙字含虛豐城人隆慶二年進士歷官禮部尙書
贈太子少保諡文恪有雙柏堂集

初入翰林自述

聖人啟元運應龍協昌期萬物快先覩而我逢茲時抱策

獻天門鴻漸修羽儀木天肆宏敞玉軸陳參差石渠發中
秘虎觀探幽奇淵源接師友得失隨箴規分陰期共競古
道還力追願言謝紛華無求虛譽垂

習孔教

孔教字時甫廬陵人隆慶二年進士選庶吉士歷
官南京吏部右侍郎

將進酒

將進酒客莫辭玉交杯金屈卮主人勸客揖且讓客言我
飲本無量有如法宮置監在前史在後此時徑醉不及一
斗州間之會六博投壺男女雜坐盱眙歡呼爾時醉可兩
壺日暮酒闌合尊促席履舄交錯杯盤狼藉羅襦襟解微

聞薌澤當此時也能飲一石歛戲乎酒極則亂樂極則悲
萬事盡然高陽之徒安足爲書有豐刑亦有酒誥舌出禍
入君子所悼主人休矣職思其居三爵不又言毋我渝
劉應麒

應麒字道徵鄱陽人隆慶二年進士選庶常改禮
部主事性剛正當事者銜之出爲廣東督學以疾
告起四川參政歷應天巡撫乞終養再起湖廣巡
撫以親老辭服闋後晉工部侍郎不赴尋卒

題吳中廳事

來時行李去時裝五夜清天一炷香畫得海圖留幕府不
將山水帶還鄉

弔胡忠烈公

八百盡歸周首陽臥二子武德豈不盛臣節固如此王瑒
恥二君豫讓報國士殺身非所難欲成一理是於燦靖難
師慷慨胡大理力竭金川門如飴甘一死東市藥妻孥餘
波及隣里幽沉二百年昭雪今日始榜文一以張衝鷗爲
之起回旋白中庭匹練襲雲裏須臾墮故處完好如故紙
觀者如山咸嘖嘖異哉茲事不可測君不見吳王廟裏詩
風雨飛騰自靈物

秋日同友人泛東湖

剩有南樓興還登湖上舟晚涼初伏蛤柔鱗不驚鷗月出
輪猶滿波搖岸欲浮吳歌聞白苧楚舞見青樓縱飲愁波

卷追歡逼夜道漁燈疎欲滅河影淡將收老去稀同輩歡
來緩百憂自憐遲暮日空逐少年遊

得請歸養志喜

陳情暫許返初衣正好尋春作伴歸但使庭闈長鶴髮敢
辭歲月舊漁磯旨甘何必千金橐辛苦還依白板扉慙負
主恩無以報聊將寸草答春暉

讀書浮洲寺

風雨蕭蕭湖上扉我於此處可忘機更栽十里綠荷芰他
日歸來重製衣

卽機

機字惟審號謙齋臨川人隆慶二年進士爲南臈

部郎歷南刑部以知思南論劾免歸與湯義仍最
善多讀古文奇字好詞賦嘗獻平西夏頌及兩京
賦有陽秋館集

秋懷

八月金氣深蕭瑟叩虛牝梧楸半離披朱華日就隕風急
度離鴻氣嚴感飛隼皎月正舒遲羲輪漸縮窘砧聲動四
鄰薄寒侵席荀清景誠足嘉惜此歲邁盡况復愴松楸欲
賦思歸引

山從姑山登麻姑山

從姑邇郭門峯高徑亦窄巖下列僧房亂泉時瀝滴束竇
徑穿雲陰洞容枕席漸高境彌佳天橋霄漢迫遙望麻源

山明發究登歷雨意始蒼茫晴暉更生色霏煙結冥濛丹
井函純白三復謝公詩慷慨顏君石想見玉女蹤鳴佩安
可覲洞天舊占名仙都果繫籍平生慕江海此日探靈跡
誓委九年心欲搏萬里翼緬懷周續之竄景駐衰歷

雌雄泉

比翼猶中乖雙星苦阻隔未若雌雄泉妙合流不息旣同
合歡枝不類望夫石壻水應可名女泉豈雕飾想見麻姑
踪佩玉源泉側素質游太清縹緲安能覲

送客寓清涼寺

水殿清幽歌管餘今朝化作梵王居後庭花謝胭脂冷猶
自涼風薄綺疏

秋雨

畏景常欣秋候至秋深蕭瑟又堪傷
楚山落木初悲客不
峽啼猿正斷腸
土鼓迎寒蟲織苦
金風嘯律雁飛忙
那堪
寂寞荒齋裏
雨滴梧桐夜未央

擬峴臺前江水盈憑虛廓落壯秋聲
地藏炎熱乘陽極人
倚孤高感氣清
四運偏宜傷宋玉
五悲猶復類盧生
春蠶
處繭紛相似
欲學沖虛一魄營

蔡文範

文範字伯華新昌人隆慶二年進士除刑部主事
以忤張江陵被謫復起武庫郎中出爲廣東參議
有縉雲齋橐甘露堂集

重陽

宋玉愁懷老更加百年秋序復天涯關河忽對重陽菊樽
酒誰過處士家落木蕭蕭同短髮西風日日爲黃花無心
更寫登臨興獨凭闌干數暮鴉

雜興

莫向江鴻問故山書來也不破愁顏尋思欲覓江南路只
在蕭蕭一枕間

舟中題

擲盡年華笑轉萍依依江樹似平生莫嫌白髮催人老得
破無明是數莖

晚霽

沙路晴猶濕山雲暗忽開短帆投莫去高鳥拂屏回虹斷
疑窺井江清似潑醅不知南浦外何事復輕雷

自瀛德趨東昌道中雜言

風壤連齊魯河流匯衛漳愁思斜日外衰髯驛亭旁江鶩
凌寒浴飢鳥下食將頻來舟楫上憂患飽經嘗

甸服仍周典溝渠自禹功幽并千礪合江漢萬方同翠柳
沿堤暗霜楓積塢紅誰家調錦瑟清宴小樓中

綰轂津亭接臨川市暨連木縣隨處有賈客半吳船露脆
秋梨白霜含晚柿鮮山東饒地利十二古來傳

碣石銜天府清漳解北流星槎天上使簫鼓驛邊舟岸柳
紆行旆州兵護彩旂還聞元夕近燈樣自南州

問道張秋決先朝慮獨深爲山名戊已使者失辛壬地控
支祈鎖天寒象罔沉誰知神禹巧疏鑿本無心
振枕憐三老開船禱石尤晚陽空自照陰霽未全收得食
鳴鳶嘯經時橘枳秋孤舟且飄泊吾道任悠悠

清源一州耳繁會二都間北走邯鄲道南開吳楚關歌鐘
連白屋鳴跼儼朱顏可惜歡娛地欺予兩鬢斑

橫田道中

西風蕭颯見田廬處處青山綠水居賽社客來成市落斜
陽鳥去識村墟千絲仙鱸池邊斲一畝蹲鴟雨後鋤漫說
臨邛眞沃土倦游人早似相如

憶別

憶別丁寧淚欲潛酒杯乍可莫留連只愁醉裏騰騰睡魂
夢都無到妾邊

送庫部朱陽和備兵甘肅

陰山雪墮紫貂裘使者行邊大漠秋陝右長城班定遠何
中武庫杜荊州風吹獵火通甌脫筵奏梅花落隴頭哈密
至今無敢論知君躍馬看吳鉤

遊南岳

縹緲仙臺紫氣浮煙籠玉座儼垂旒地包荆楚標南紀江
合沅湘向北流牲帛千秋周祀典衣冠五月舜諸侯塵緣
未斷慚仙骨金簡雲書何處求

赤帝高居小梵天衆峰羅列擁堦前秋經絕壁風雷起

有風

洞醉倚雙臺日月懸上有望日望月二臺誰道人騎黃鶴去我今寒
抱白雲眠莫言此夕非沖舉已隔人寰丈九千誌載祝融峰高九千

張鏜

鏜號石渠永豐人隆慶二年進士除東莞知縣升
南工部主事歷員外郎中出爲湖廣按察僉事轉
貴州參議

寄艾和甫謫戍西寧

荆南偶接故人書爲悉關門近起居萬里獨看營外月孤
身誰念釜中魚辭官除怨心元苦折檻朱雲願不虛秦地
日聽邊塞曲楚歌相和調有知

喻均

均字邦相新建人隆慶二年進士歷官松江知府天津兵備副使所至有治聲忤權要棄官歸著有括蒼雲間蘭陰虎林仙都前後山居諸集

久駐

余先世舊隱相傳許旌陽訪道經此愛其氣盤鬱徘徊不去爲駐馬者久之

不愛溪山好能勞久駐車仙雲長不散猶自護吾廬

權頓

吾家東相距二里旌陽小憩其地輒命駕去曰權

頓云

當年聊息足亦復留其名僊駕已寂寞鸞鶴有遺聲

暮投

距纔三里旌陽繇久駐而南停車延眺至則暮矣
遂投宿村中故曰暮投

此地只茅屋神仙何處眠日夕登山望山山生紫烟

穆王井

爲有寒泉井曾邀八駿過君王不可接惆悵對山阿

春暮宿大觀樓簡士功及二三知己

閒居不適意觸事增煩憂振步出西郭登君江上樓滄波
漲初闊綠樹陰已稠烟雲綴還岫蘭茝盈芳洲迴覺心迹
清轉見身世浮徘徊未能去衾枕聊淹留旣以自怡悅因

之報舊遊

甘璽

璽字文信南豐人隆慶二年貢於鄉官浦城訓導
弔少岷曾太守

遺愛肝江水悠悠今古聲桑麻留遠澤棠樾仰清名
北邙起斯文南斗明峴山應不遠只在鳳皇城

張材

材號惺臺金谿人隆慶四年鄉舉初任教諭陞成
都軍民府苗民感服其德忤權勢歸

羅漢洞

洞倚層崖古蕭蕭翠作林諸天無日色一雨斷塵心
水止

紅鱗泳杯浮綠蟻高山挂飛瀑此曲幾知音

賀 泚

泚字汝定廬陵人隆慶四年鄉舉官文昌令癸丑
陽書院抗止增餉之議罷檳榔稅遷蘇州同知遂
辭歸與鄒元標講學青原白鷺間著有尊聞錄敬
止堂日劄諸書

書湖陂蕭烈婦冊

予讀先師傳蕭氏死節奇夫亡妻致命母死女亦隨泥柏
誰能奪投瓜效祝辭湛湛江流水汨此兩英姿舍生以取
義臨淵甘如飴誇美心共賞碩人撰鴻詞琳球綻冰雪讀
之淚交頤太守廉節義以此酬周咨還應排閭闔旌詔勒

穹碑正氣兩間塞芳芬百世遺忠孝同節烈泪羅映湖陝

劉元卿

元卿字調甫別號瀘蕭安福人隆慶四年鄉舉會試對策極陳時弊爲張居正所怒再試不第乃師劉陽講學後以薦仕至禮部主事尋引疾歸著有諸儒學案賢奕編及山居草

暮過元陽洞

桃花底事逐飛泉六六仙家第幾天我自看棋愁日暮誰從塵世問桑田

遊石廊洞

參差危磴倚莓苔山半仙橋一縷迴人似猿猱翻石壁天

開日月照樓臺尚遺宋碣題痕在却憶劉郎前度來指點
千年成感慨數峯寒色對銜杯

歸自虔同尹邦和遊石城洞

杖履千峯已倦遊西歸仍臥石城幽盃前細草鮮堪畫雨
後殘花亂欲流舊識鳥來當戶語新分泉到遶林秋野僧
笑向山人問何事春心又遠求

清泉寺

僧房三坐芙蓉暑僧自不閒景自幽地轉吳山連楚界天
迴盛夏作高秋幾間茅屋環溪側一道清泉出石頭閩世
未須傷往事卽看東日又西流

遊清風觀

前度劉郎諳舊途桃花千樹隱元都飛霞天馬名山橫金勒

帶雨愁猿名山敝畫圖紫氣東來浮恍惚青鸞西去入虛無

蓬萊咫尺人難信悵望青霄月影孤

別王以忠

王粲樓前賦梁鴻廡下居死生奚不可歸去復何如計日
浮炎海經時返故廬憑將越溪水還寄八行書

劉作卿

作卿字成甫安福人

立夏日呈瀘瀟石城洞中時自虔州通天巖歸

九十春光今日過憐君強半在風塵乍浮章水歸何日又
向空山寄此身洞口孤雲留色相巖頭片月見精神願教

盡識天台路閒捉飛花泛舊津

劉上卿

上卿字台甫安福人

小憩石城洞雲樓

一丸太極若爲開洞府樓臺古月來雲到巖扉深鎖鑰泉
穿乳竇暗滌洞半生碌碌空青簡荒逕迢迢長綠苔回首
風塵慚石燕幾番飛去又飛回

鄧以讚

以讚字汝德新建人隆慶五年進士第一廷對第
三座主張江陵枋國移疾歸再起南祭酒擢禮部
侍郎疏請建儲力斥三王並封之非尋擢吏部右

侍郎力辭不拜居母憂不勝喪而卒贈禮部尚書
諡文潔有伏櫬

思歸

星河雲氣淡萸菊露華清宦况慵兼病鄉愁斷又生入秋
偏遠夢逐日計歸程南鴈空中唳能禁此夜情

郭子章

子章字相奎泰和人隆慶五年進士歷官都御史
巡撫貴州兼制楚蜀以平播酋功加太子少保兵
部尚書著有黔志豫章書豫章詩話嶺衣集及燕
閩晉粵蜀浙吳楚等草

觀山曉起

朝日上嶙峋觀山景更新雲光垂石角曉氣熨江津竹瀉
深巖露松勻疊嶺春鼎鼎先冢在藉甚作比鄰

舟中

三春滯水濱魚鳥狎成羣江闊流新雨山空養舊雲村春
幽澗急岸草夕陽薰何處城頭角偏令倦客聞

過方廣簡同會諸公

別來高臥白雲深蘭氣猶然祇樹林夢入庾樓饒桂醕歌
傳郢雪響松陰遺民悟得無生訣郭泰空懷有道心勝會
青原須此日憐余百里想徽音

紀夢

西南櫟槍明占在川之播何哉井底龜不知有漢大黔中

久愉恬崇朝忽摧挫聚黨嘯蔡江一倡乃百和
城市走豺平原起堀堞天子赫斯怒命將出右
个猥予在田間未許支離臥馳驅竹王疆迅速
等轉磨夜夢壯繆侯車騎儼相過倒屣延之入
席分賓主坐論賊無足虞糝糠易揚簸巢幕暫
偷安積薪以待莖及余入八番次第審搜邏衝風
籜乍卷利七粉同剉豈專帷幄謀一一神所佐從
此半壁天蠻犍始退懷剏祠敬事侯擊牲進香糯
誰爲報侯功銘詩我所作

董裕

裕號擴庵樂安人隆慶五年進士官御史出按滇
南莽囚竊發募丁壯禦之賊遁去忤中貴左遷累

官至刑部尙書子告卒贈太子太保

華蓋山

欵欵肩輿傍險行仙人樓觀碧雲成紫霄夜靜泉聲細玉
露秋高鶴夢清萬壑風來星斗亂一龕鐘定海潮生凭軒
忽有冲霄志羽翮翩翩上玉京

徐貞明

貞明字孺東貴溪人隆慶五年進士官工科給事
中上水利軍班二議復請墾京東田至三萬九千
餘畝爲百世利爲衆議所撓歷官監察御史領墾
田使假歸卒

由綠槐亭至菊圃

半畝園亭傍碧陰中
承德望此昔森植槐不爲三公蔭種
菊時招五老吟歸去
江湖思闕掖靜來城市亦山林床頭
尙有光朝笏仰止高風合在今

張應雷

應雷字思豫號順齋金谿人隆慶五年進士授湖
州推官甦茗民糧運之因以剛方寡合謫滇南幕
職再補楚令拂袖歸

上澤院

禪林飛紫煙風幡一竿矗坐轉碧梧陰青天淨於沐

謝廷案

廷案字思敬金谿人隆慶五年進士任濟南司理

再補福州有海防捕賈監百餘人爲盜丞白之擢
吏部主事轉員外得告舉鄒元標自代再起郎中
以疾辭歸有西堂草

千金隄

堰合遊人來星占賢者聚各負青雲姿竝有滄洲趣弭棹
出松林風流美無度練影金柅分鹵澤瑤溪注旣喜桑麻
饒遂令枌欂樹翳余搜世網永絕賞心晤緬懷靈運蹤偶
續池塘句

張程

程原名禴字扶九安福人隆慶五年進士官尚寶
少卿

謁武功過界源道中

杖屨出柴扉，捫蘿歷翠微。
草心涼露溼，木末斷雲飛。
旅舍烹葵菽，山崖采蕨薇。
塵勞如夢幻，安得久忘歸。

過月山寺

荒村藏古寺，一徑出高岑。
石吐山頭月，塵蒙佛面金。
山雞爭膳粒，谷鳥悅叢林。
寂寞自禪理，悠然淡客心。

圖坪庵

地勝非因武，山靈故駐仙。
塵空青嶂外，樓出白雲邊。
圖畫有餘地，陰晴無定天。
還聞丹竈火，猶是赤烏年。

鄭邦福

邦福字洪範，號鐵畊，上饒人。
隆慶五年進士，知嵩

明州有惠政滇人德之累遷廣東兵備時海寇方
警倚以爲重晉南京太僕卿卒於道有采真遊稿

青巖山

薰風長日遶回廊飲後尋僧納晚涼自歎俗緣猶未竟襟
裾空帶積厨香

題山中

住世心情賸一分巖棲原不厭離羣獼猴絕壁行相戲鸛
鶴層霄坐獨聞仙蛻已知飛白日空棺猶自闕重雲到來
岑寂休虛度夜起焚香誦玉文

牛場坡

俯身牛場坡仰面臘翁嶺白鷄帶雨翔老雅關名入雲猛

如穿螺竅中復躋蝸角頂行地雖數舍計天不盈頃從來
汗漫遊觀茲殊絕景那知陟宦階巖嶮極無影

張佳允

佳允新喻人隆慶中官上林苑監丞

送朱秉器守渝州

簡書朝下帝城春此日分符得玉麈自是使君稱長者由
來岳牧用詞人雙旌夜入刀州夢五馬風清折阪塵便欲
西歸從父老相攜簞食大江濱

寄懷朱秉器金陵

秣陵亦是漢西京詞賦君垂作者名出領一州如斗大來
看五馬似龍行民間歌舞寒帷見郡裏江山坐嘯清多少

青梧齋閣外政成應有鳳凰鳴

徐伯鳳

伯鳳字國祥貴溪人學尊朱子執母喪廬墓三年
隆慶中司訓紹興聞父訃跣行抵舍有雙鵲巢廬
人以爲孝感所致

嚴家書院

坡翁有志紹先賢構得東頭屋幾椽
席暖春風懸絳帳燈寒夜雨對青編
居鄰象麓千年著名並匡山
萬古傳今日題詩追舊跡
幾行翠竹映清泉

廬山跡

山跡字立字武寧人隆慶中以詩名與新建張位

善位既貴未嘗稍有干謁鄉里重之後以窮困染
惡疾卒

柳惲精舍同弟振字分韻

鶴翠亭邊荒草沒讀書帛下白雲飛我來正值三秋晚
向庭前憶落暉

羅治

治字敬叔南昌人隆慶中布衣浪遊江湖所至不
謁權貴以詩酒自豪嘗推顧涇陽文爲江南第一
手顧後果冠南宮有大月山人集

冬夜同俞公臨丁元父集飛霞閣

風露滴平林寒天發朗吟星河流不動高閣起層陰與子

酌清酒爲余調素琴不眠遲永夜俱抱百年心

秋日遊新林寺

十里溪流向窅然偶尋溪寺隔雲煙高天清磬飄巖岫古
佛殘燈照歲年入座白蓮秋雨後墮階金粟晚風前自憐
去住渾無著試作山中一宿禪

周一濂

一濂字思極安福人弱冠棄舉業從劉蘆溝講學
復與耿天臺徐魯源遊癖嗜山水所至輒忘返有

蠲吟集

初遊書林洞

朝披五岳杖夕駕三湘航歷弔古人跡清遊足徜徉悠脩

抱茲願寤寐不能忘十年不一酌偃蹇立面墻尙遺眉睫
地何況窮遠荒書林古有洞多爲神鬼藏藤蘿晝陰陰
樹秋蒼蒼代有避世人兩度見劉郎殘碑與新句流翰爭
傳芳勝想在圖書無由與韻頑引領白雲下惆悵迫衷腸
男兒役所生跳躑如蜣螂泉石竟無緣而爲塵土忙甘受
山靈笑枉余人其鄉憶昔無始來班此羣仙行衣霞飛鶴
駕食氣飲瓊漿忽爲上帝謫一去如參商誓將終歸去脩
然臥石床不勞賦招隱小山無自傷

王之弼

之弼號龍邱安福人

步入石城洞訪劉瀘瀟

百年何處問生涯
洞府穿溪帶月華
楚客賦因招隱重
支公錢向買山賒
雲流自湧諸天白
日出初開一線霞
千仞是誰連袂上
劉郎真合住仙家

劉龍

龍號雲庵安福人

春日偕劉聘君遊石城洞

杖藜踏破萬山春
興逐桃花數問津
覽秀已窮天外目
探幽疑是畫中身
懸知商老終扶漢
豈爲仙源好避秦
把酒問天曾記得
劉郎前度到來人

金國柱

國柱字擎一安福人

石城洞

石洞千年引炬深幽竒端是費幽尋天開混沌穿神窟壁
立虛空漏太陰巖樹安禪全養晦鉢龍入定已無心瀟瀟
一脈江流遠湧出如來是寶林

張璿

璿字子衡安福人

馮君招會書林洞

杖履蕭蕭野意便高秋爽挹洞中天空濛有竅含吹萬世
界無窮是大千過眼莊嚴同海市閱人歲月幾桑田相逢
盛會憐今日故我依然媿昔年

天工誰假作鍾爐幻出天然此畫圖擬向流沙尋弱水先

從塵世覓方壺珠宮隱瞰鮫人宅幢蓋真疑大士趺道在
休嫌傳食久溪人今共此溪愚

彭 霓

霓號虹橋安福人

編石城洞志

石城高起是何年窅邃林開別有天白掠斷崖雲欲墮紅
穿深竇日初懸小山不必勞招隱高閣原非爲草元千古
石渠人共羨墨花香染綠蘿烟

左 洄

洄南城人

紫陽墓

一卷神符草色迷
劒歸天外尙虹霓
丹房火伏青鸞隱
綠樹煙沉白鳥啼
風送龍湫傳玉液
雨昏鸞嶺失雲梯
蓬壺路杳憑誰問
聊倚瓊樓看日西

西詩徵卷五十九

江西詩徵卷六十

南城曾煥賓谷編輯

明

劉綎

綎字省吾南昌人顯子蔭指揮使萬歷初從父征
蠻遷守備擢遊擊以平緬功進副總兵戊朝鮮二
年旋擢四川總兵官平播酋進左都督後與杜松
李如栢馬林分路出師力戰死贈少保

師駐虎牢關

當年先業繼蠶叢奕葉何堪振父風自信承家慚長子敢
云報國總元戎兒童舊頌平蠻績父老新傳剿播功武烈

江西詩徵

卷六十

明二十二

一

謬膺綿世澤孤忠一脉貫長虹

東逐西馳歲又深凱旋駐馬漫開襟
三巴戰壘龍泉出六月烽烟鴈字沉
關塞自憐餘白髮廟堂誰爲暴丹心
良弓鳥盡應無用緩整漁竿釣海濤

宴滕王閣

奉召詩百官宴之滕王閣給以作時得句云

幼習干戈未習詞滕王閣上逼題詩
江南花月君同賞塞北風烟我獨知
斬髮接韁拴戰馬折衣抽綫補旌旗
貔貅百萬臨城下安用先生筆一枝

鄧子龍

子龍豐城人有奇勇兼通翰墨萬歷初應辟從張元勳平巨盜遷守備旋擢參將以征緬進副總兵

募兵姚安與劉綰不相能致軍門旣而綰罷命兼
統其軍尋被劾歸朝鮮用師詔起原官督水軍舟
中戰死贈都督僉事廟祀朝鮮

銅鼓石

定江巨石當路旁有人疑是南山虎笑漢將軍只沒羽迺
不貫之何足數又聞此石名銅鼓上應列宿開帥府英雄
一劒破中壘砥柱乾坤鎮吳楚

李萬象

萬象字子中南豐人萬歷初官承天經歷陞雲夢
知縣

題冷真人像

十里青山隱道場真仙委蛻久荒涼古壇百尺埋荒草祇
樹千年落異香白石漫思畱客飯丹泉空說飲瓊漿纍纍
荒冢成何事終是元關屬渺茫

晏仕偉

仕偉字應明號文瀾新喻人萬歷初以博洽聞篤
於孝友胡維霖表其墓曰理學真儒

適志吟

勢利常驅人人生多局促所以達者儔隨遇諧所欲飯糗
若終身何必萬鍾粟雲天蕩心胸塵海脫羈束東皐晚舒
嘯餘聲振林曲但求適天真不顧違世俗酣飲對花開夜
來還秉燭

李良臣

良臣南豐人萬歷元年貢生

和譚勺泉見贈原韻

長夏明簪盞層樓縱目初代農須薄祿徐步當安車水閣
踈星度風牕夜月虛頻來如不厭還欲坐觀魚

胡桂芳

桂芳字允垂號瑞芝金谿人萬歷二年進士由杭
州司理累遷副都御史巡撫貴州土司苗仲素獷
悍乃奏開金筑司改設廣順州又奏勦撫機宜六
事晉南京工部侍郎總督河務與枋國者不合抗
疏歸卒贈尚書諡忠端

孝烈祠

上幕當年困采金
皇皇二女振徽音
紅爐忽變萇宏血
片石尤憐精衛心
礦止山川完秀氣
邑開文物盛儒林
魂歸躍冶猶能語
廟與曹江共古今

曾思孔

思孔字習卿號雲亭南豐人萬歷四年鄉舉令英
山首崇學校勵師儒拯水災以復民業民立生祠
遷黃州同知尋歸與會同亨修三郡六邑合譜有
需雲館集求友稿

石仙觀

四壁瑤山聳太清
偶攜煙侶闋黃庭
洞中鷄犬不知處
秋

杪松篁無限青宋代音徽畱石刻冷公踪跡有泉扃蕭然
萬壑真空界徹夜慈烏不忍聽

廉靖

靖字安卿鄱陽人少從史惺堂遊究心理學萬歷
四年鄉舉署魯山教諭擢知肥鄉縣致仕歸

弔胡忠烈公

蒼龍骨誰咏松倏靈霧倏英風幻朝靄撼愁海海濤愁斷
精衛哀燕雲曉度燕山來偏頭維摩憐半月真龍蛻骨空
寒灰龍煙未燼禁雲濕北人不問南人泣未怨瓜藤族血
殷可憐松樹孤魂立干天偉節松無心先皇錄我壁間吟
草木生前見光怪松風死後吹衣帶城郭招魂空是非村

村伏臘含深悲邑侯簪筆英風隨轟雷劈電凌天飛

鄒元標

元標字爾瞻號蘭臯吉水人萬歷五年進士觀政
日劾江陵奪情謫戍貴州都勻衛召授吏科給事
中陳五事爲大臣所忌降南刑部照磨升兵部主
事改吏部歷郎中罷官家居講學光宗時再起大
理卿升刑部侍郎轉左都御史乞歸卒贈太子太
保吏部尙書諡忠介有存真願學諸集

簡羅公廓給諫

老去交情重懷君意轉深廿年青瑣客同賦白頭吟突兀
千秋意蹉跎萬古心嚶嚶聞好鳥相喚出幽林

送俞定所起大名

久別相看慰所思
送君空有淚臨歧
黃沙白草無窮恨
不獨尊前感別離

甘子明雪中過山居

爾我故窮交
相過藉白茅
慚非楊子宅
聊比野人巢
地僻天疑迴
山深俗可拋
濁醪長日共
寂寞任君嘲
學道共年深
俄驚暮境臨
青山原不厭
白雪故相侵
聽鳥便幽意
看雲治素心
但期肝膽在
那復問知音

春日赴白鷺洲

春水引行舟
桃花夾岸流
沙明栖獨鷺
雨過語雙鳩
濁酒澆孤興
青山笑晚愁
萋萋芳草綠
無語對江洲

理舊稿偶成

少年奇氣頗崢嶸中歲蹉跎短鬢生著述漫言窺二酉譚
元空自守長庚雕蟲篆刻非吾事覆瓿藏山亦世情徙宅
欲巢衡霍頂脊來驅犢帶雲耕

謝親知見贈

詔許巢由作遼臣衡門吾亦愛吾真極知城市逢迎苦肯
受親朋禮數嗔野鶴山中承沆瀣冥鴻天末避風塵不妨
裴仲時相顧容我山中自在身

鷺洲

東風吹動萬回青夜送花香撲滿庭野鳥閒關還解語青
山突兀對傳經少年碣石高談塵老去江湖是客星獨往

獨來無一事大夫不是醉爲醒

偶吟

避世無難涉世難人情反覆幾波瀾從今卷却絲綸手不
著羊裘不釣竿

宿太平山房

踏破匡廬百萬重不知何處是歸宗堂開可結東林社來
聽閤黎半夜鐘

盤龍寺

盤盤古刹太平隈朶朶蓮花水面開路出恩江紆逕遠門
當幽澗峭峯來龍飛石鉢朝潭冷虎嘯寒林夜壑哀欲向
宗門傳一指蕭蕭松栢倚荒臺

大雲寺

老僧杯渡自中州般若名庵十載畱偶出禪關清磬落忽
驚寶地白雲浮堂開虎穴羣峯出寺倚龍宮一水流師去
法門誰得似蒼蒼古木向人秋

元潭觀次曾司空韻是日祀二劉文學

俎豆堂開繫所思丹楓露冷正秋時昔年立雪人如在此
日吟風客自知渺渺長川迷古渡悠悠世路共心期庭堦
不盡遲回意千載眞傳爲語誰

太平山房

鑿石臨青嶂開門俯碧流生涯聊自適世網復何求
千峯晚藤蘿萬木秋牛羊三徑裏樵唱好相酬

山城才半里小構兩三間禾黍平高下牛羊任往還穿林
尋窈窕移步弄潺湲架上書千卷閒居取次刪

朱維京

維京字可大萬安人萬歷五年進士授大理評事
歷官光祿寺丞疏諫三王並封忤旨削籍爲民同
官救者皆得罪有光祿集

度飛虹橋

鯨海遙涵一水長清波深處石爲梁平鋪碧甃連馳道倒
瀉銀河向苑牆晴綠乍添垂柳色春流時泛落花香微茫
迴隔蓬萊島不放飛塵入建章

龍虎山仙巖寺

兀峴峯頭萬界低似無鳥跡但猿啼下方微見雲根亂中
頂真看斗柄齊梵率天高千佛現闍闍光滿十洲迷神房
丹鼎依然在更有莓苔護祕題

青原山

小徑通初地城南五里慳一泓清似玉亂石錯爲山竹月
琴猶在樓霞客未還惟餘春夢澗來往水雲閒

虔州謁濂溪先生祠

聖學日榛蕪微言不復宣滔滔名利徒馳騖如奔川西來
有別教賴士多依禪而彼訓詁師言言落塵詮天啟我元
公獨契庖羲先元機一以闢大道揭中天上接魯嶧旨下
闡關洛賢方挽天河水取日在虞淵公昔倅虔州二程相

周旋哲人雖云遠型範畱遺編崇祠列茵鼎喬木鬱蒼烟
西有文成祠刳豆其肅虔景行思先喆願言各勉旃

中元夕圓通寺對月

萬丈芙蓉接玉樓孤峯雙挾兩湖流漢王坡上青天月時
見仙人控鶴遊

萬疊秋山紫翠重長空匹練挂芙蓉青蓮去後風流盡誰
到匡廬第一峯

丁此呂

此呂字右武新建人萬歷五年進士歷官湖廣布
政司叅政有世美堂橐

雨中望勾漏

逶遞策傲車言尋稚川子風雨何淒其蕩然滌塵滓濛濛
山下雲泠泠峽中水雲水幽以深徑路憑誰指丹竈突無
烟白石徒齒齒至今不可攀邈焉懷此旨我家西山陽許
令實同里元都計非遙赤縣更伊邇冲舉遽難期沉淪慙
自耻孺子儻可言請爲公納履

曾乾亨

乾亨字千健吉水人同亨弟羅洪先門人萬歷五
年進士歷光祿少卿閱大同邊務劾罷總兵以下
十餘人論救趙南星侵執政三推巡撫俱不庸
疾歸

元潭獨坐

翠微門鎖晝陰陰
隱几蕭然對暮禽
江浪漸從塵外杳
松濤翻向定中深
一身自喪同南郭
萬慮俱沉入古琴
坐起清宵看劍氣
寒光終滿碧山岑

遊淨居寺

風塵無那白雲居
十載重來一夢餘
當日摩尼還朗映
別時祇樹半扶疎
空山法向環中定
清漏聲傳谷裏虛
回首舊遊成獨往
坐憑猿鶴語真如

簡繼芳

繼芳號慶源萍鄉人
年十三補諸生萬歷五年進士
歷官雲南副使所至稱廉謹
以老乞歸有學葛

堂集

葛仙壇

苔磴一躋攀齋居太乙壇雲深疑作雨山靜故生寒白石
僧能煮黃精客可餐長生如有術吾欲訪劉安

望雲亭

天際思家更不禁使君亭子有碑陰徘徊終日緣何事一
片孤雲萬里心

黃壘

壘字以行新淦人萬歷七年鄉舉歷官常德府同
知攝桃源武陵二邑威惠並著苗人不敢犯秩滿
冢臣欲以監司薦力辭歸卒於家門人私謚敬惠
先生有雲庵漫草繩川質言

歸金川田舍

勢聞茅屋堪容膝
理竹澆花未是貧
昨日武陵重問渡
有人許我是閒身

宦情兀兀本來慳
賦就歸與鬢已斑
補牘未能思祖烈
梧垣清夢寄高山

趙伯冠

伯冠分宜人濂子
萬歷七年貢于鄉
官養利知州
送淳濱歸秣陵

高岡臺榭俯羣山
石磴穿松意自閒
絕壁流雲吹黛色
半巖飛雨洗蒼顏
幽齋風動采恩外
虛谷寒生枕簟間
避暑眞成河朔會
秣陵無那送君還

靈泉寺贈雙江上人

春城古刹俯靈泉，泉影秋空共瀑然。
偶坐明心澄碧水，時看藻句發青蓮。
龍宮吹雨笙簫遠，鶴竚當風羽翮仙。
長嘯漫驚漁父隱，一竿曾釣渭川煙。

趙炳旭

炳旭字晉之分宜人，伯冠子，有孝行，工詩文。

卓泉亭

亭古春偏媚，牕幽午乍晴。
似將簪紱意，都付薜蘿情。
玉韞含輝潤，珠圓落唾輕。
談禪分半榻，竟日是希聲。

士德新

德新字應明，安福人。萬歷八年進士官南京刑部。

主事坐申救何起鳴斥爲民起補工部遷光祿丞
有敝所先生集

與汪靜峯使君遊青原

翠落秋陰山更幽使君匹馬此同遊鐵橋抱月迎仙仗珠
樹飛花結羽樓巉靜猿啼驚露冷潭深龍臥帶烟流未妨
把酒狂歌發塵世風光易白頭

期登羅陽

羅浮烟雨滿空山千仞崖藤尙可攀煮石眠雲誰禁得老
僧翻羨老夫閒

丁與忠

與忠彭澤人萬歷八年貢於鄉官江都縣丞

江右詩集 卷二十一
陶淵明祠

細柳長堤烟雨輕
市橋今古說淵明
柴桑百里棠陰在
依舊春風綠滿城

歐陽材

材字爾英萬載人
萬歷九年鄉貢爲
寧州學正

瞻思臺

重來廬墓倚斜暉
雲鎖松楸欲掩扉
一自蓼莪詩廢後
有誰更舞老萊衣

劉應秋

應秋字士和吉水人
萬歷十一年進士
廷對第三
授編修遷南司業
疏論宰輔召爲中
允歷祭酒尋

以事調外遂辭疾歸崇正時贈禮部侍郎謚文節
有大司成集

送林仰晉謫茶陵

夕郎抗疏出金屏萬里衡陽一雁飛世路何年遷客少聖
朝今日諫書稀黃陵雨暗連青草嶽麓雲深濕翠微千載
汨羅人不見寂寥心事更誰依

題張洪陽閒雲館

心遠喧常靜身閒道自夷因兼大小隱閒誦去來詞書案
風開帙花開雨濯枝浮雲同此意行住本無期

龍虎山

疊嶂重巒鎖碧烟玉宮虛閣挂青天上方甲第神仙宅家

世傳書道德篇松檜鱗殘時怒鬣鯨鯢石坂有飛泉赤松
黃石何從問白雪清溪且放舡

秋日同羅公廓行人鄒爾瞻司封遊天中山

何來縹緲翠微宮蕭瑟秋聲動碧宮五夜露冷懸古桂千
年烟積自靈楓天中佳氣浮獅子洞裏幽香傍鵲翁此去
青霄憐尺五相思聊寄菊花叢

訪爾瞻水田村居

爲愛深山近水居溪雲谷月足吾廬人來爭席惟鶉鴝我
自忘機狎鷺魚蓮石鬱葱宜種玉捲簾青翠好攤書山公
縱有烟霞癖無那蒼生望久虛

石蓮洞懷羅文恭

磴道岩巖入翠微洞門幽靄石爲扉
搗來大士閒蓮葉畱與仙人振鶴衣

張壽朋

壽朋字冲穌號西江南城人萬歷十一年進士除
刑部主事謫泰安州同知終廬州通判有深息窩
集

過潘父清話

人生何太勞逐世如蓬轉我生何太閒棄世如葉捲
一世已盡捐一身隨自滿酌酒自從淺裁衣自從短
茅屋自不高山行自不遠總之無世情可以自閒散
感君愛我深欲報旋自檢囊中一物無言之自君選

賦頤園

桔槔不暫息機與機相循隙駒不自斷塵與塵相因吾生
日無多棄故復戀新胡乃搖吾精胡乃役吾神願言自頤
真息機無染塵養鷄見木鷄牧龍龍亦馴

嬾園

吾家有仲蔚懷抱深以遠笑我老一生蓬蒿亦不剪穿雲
徑自成隔澗花常滿春早鶯漫啼秋高葉憑卷客來去欲
迷百武生委宛廢此百年身園斯與之嬾

養生

痛哭深自誓及今愛餘年平生苦耗氣復喜爲禍先矢口
不捫舌憑胸向人宣環視滿坐客吾言獨如泉性命日銷

爍何由學神僊急急加猛省冲然抱幽元後有扈伯重前
有焦孝然

懷許於道

山雲度江來曉暖烟中絮彷彿意中人遙隔晴川樹

去婦詞

遡君娶妾時和靜如琴瑟謂妾美在顏愛妾閒在德妾乃
敬事君儷爲丈夫式豈妾稱好速君心故無忒朝暮雙鴛
鴦一旦忽參商聞君控青驄有女采柔桑陰覆寒綠嫵
媚羅衣香風吹蕩君心君自不知狂狂來自顛倒結想殊
幽眇開眼夢桑陰情來苦縈繞妾如眼中刺拔之恨不早
揮妾驅出門落葉秋風掃妾忍更觸君去去如浮雲一步

兩行淚啼聲君不聞回首望金閨簾幕隔斜曛今夕復何
夕妾夢黯氤氲從君須夢裏呼妾去且止石爛海可枯妾
心終無已拭拂妝鏡塵照妾非桃李妾心如金石妾年如
逝水願言招妾還畱之并白閒煮葵供午飯澣衣支歲寒
臂之日月食思復寧獨難妾罪不可追吞聲望夫山

翫世

黃犬緩自牽不向東門老黑貂煖自御六國爲人擾桃源
無是非鬼谷何深眇動念分吉甯老我山中好

遊龍光寺因悼震宇表弟

幾年不出郭沙更高幾尺春深苦積雨偶得晴暖日來遊
風景殊黯淡江天泣哀我同心人約言斯良集濫焉反其

初厭世傷太急靜撫聽松軒孤影誰爲匹對酒淚沾襟鳥
聲似鄰笛

閨怨

當窗看蛛網一絲千萬絲解人心裏事依樣織相思

和宋太初山莊

村巷輪蹄斷往來春深風雨老莓苔若非江上同垂釣君
叩柴門我不開

桃樹千株一片霞春風偏喜醉山家門前也有垂楊柳不
繫當年白鼻騮

喻季昌書室

水外逶迤一徑斜松陰鶴唳識人家春來不解多桃李記

得洲名是百花

清秋夜坐

水浸疏簾是月明
鶴如人影月中行
不知夜寺深山外
送得鐘來第幾聲

江閣

紅塵偏喜染緇衣
終日金山到客希
江閣上頭開眼望
夜船多半送僧歸

懷玉舟中

灘聲蟬聲煮茶聲
耳畔一一何分明
蟬已帶秋送歸思
灘猶爭水出人行
獨有茶潯轉天籟
聽之令我心脾清
雪浪零香兩衝發
啜來都使詩情生

竟然僧房題畫

杖頭攜有溪山在白雲青靄紫衣帶醉來脫落開僧房誰
知飛出西湖外西湖一夜雨溟濛挾得溪山度晚鐘疊翠
層烟渾似舊諸天還隔紫霞峯峯外何人更何世千重萬
重特幽邃且聽今夜有鐘聲須是南朝當日寺

秦泰陽飲我於惠山鄒園

落日正銜杯林光去復回喜聽秋夜雨旋傍石泉來野寺
鐘初斷嚴城漏莫催飛觴亂流水山月向人開

百五十里上秣湖

老來身是客秋晚著浮槎路入青天窄林迴白日斜山橫
風弄笛石亂水生花諳得崎嶇盡飄飄不憶家

夢覺吟

黃口蚤思覺白頭還夢中無才真散木浪跡老飄蓬入室
人交謫謀生命不同何如禽向去五嶽羨冥鴻

惺惺無一念可是夢初回芻豢龍非養樊籠鳥自開年催
雙鬢雪事已寸心灰覓得西湖畔林逋故種梅

擬從今日覺凡夢一時拋避客深窺竹棲身拙繫匏石門
猿代守松榻鶴同巢寤後風流甚何須更解嘲

泗水亭

亭長未爲薄王侯安足多眼前秦吏卒身後漢山河苦畏
韓彭在聊將父老歌達人一長嘯不醉欲如何

入山

從天分紫府有地似元都白髮餘生好紅塵一事無松筠
何代種猿鶴聽人呼竟日長端坐冰心映玉壺
東海不垂釣西山不采薇此地既堪隱伊人能自歸勝事
水雲占閒情鷗鷺飛長安如傳舍幾日戀輕肥

過汪孝起畱酌和案頭詩

鶴脰知難斷龍鱗未敢攀想從非想盡材與不材間漱石
但磨齒曳裾常覩顏江門須一葦到岸有西山

久雨復抱病得曉山母舅命歌者持牡丹一瓶來

身世兩沉冥無人問草亭花王分魏紫子美見秦青一笑
歌金縷千嬌貯翠瓶且畱春白苧還奏主公聽

謝銓部故人

把酒看山色移文反見招相思隔河漢引手下雲霄蚤不妨賢路終難吝聖朝生來多野態直欲老漁樵

書門

多情纏葛藤一瞥見鵬鵬緩頰人相賤低眉我不能無書干顯者有髮似高僧莫作寒蟬笑千秋劉季陵

謝朱無繆王孫

代有稱才子人無忽後生書當爲大令善莫負東平技進須求道躬行不待名少年如旭日相望極高明

賦朱天啟魚樂亭

自有江湖趣亭當俯石渠每垂公子釣兼讀計然書露冷荷珠瑩風輕柳浪疎此中無可道誰問子非魚

題嚴子陵

被裘閒把釣漢室自重新友可無天子情難
遺故人歸知有烟水出且動星辰此甚尋常事何須詫富春

過僧舍賦得深談竹嶼閒

徑僻幽酣翠堂虛靜欲冰自知非問主何意更逢僧一笑
空塵界忘言証上乘綠天深似夜光徹佛前燈

過故相青門別業

山莊傳相國野趣入僧家委宛青門路徘徊白日斜幻身
空電泡時節變鶯花感慨君多事閒人自種瓜

上巳前一日登凝光樓

出水明朝事高樓此日人江山閒處景烟雨畫中春載筆

雲古開尊待月新轉憐城市裏醒眼醉紅塵

織月

十五圓圓夜看看望到今虛疑低院落不肯注花陰片玉
輕沉水秋螢冷過林猶然占破鏡千里照郎心

自遣

問我何當貴嘗云知者希不畱開眼夢深檢去時非悟後
長拋卷閣中懶著衣相看一幅畫烟雨隔漁磯

人從山徑斷正喜草蕭蕭烟景春三月鐘聲寺六朝書多
非佛老夢只到漁樵久矣無名姓還誰許見招

未能如野鶴松頂便爲巢四面還栽竹三閒細結茅烹茶
騎市酒劍筭代山肴傲世非吾習風塵久息交

孔顏呼爾我大道共行藏涉世將何術憐予乃獨狂天游
無酒伴市隱卽山莊不禁閒風月中宵竹過牆

知我無如我捫心我自盟詩能供嘯咏客可斷逢迎日月
淹雙髻烟霞醉一生出門何所往當自向青城

如意

萬事都如意原無意可如不迎新輩客常讀舊時書夜坐
清聞鶴朝餐懶食魚悠然心會處竹影罩堂虛

對山

終日只靜坐看雲兼看山事從貧後減心向老來閒酒熟
鄰翁送詩多社友刪總之無世累在在許開顏

冬夜對霜月

老去塵氛淨渾無一念生恰如霜太冷纔與月同明世已
忘今日身應到上清只須風韻好子晉共吹笙

再宿天舫軒

水雲予所好况復入清秋木落天疑闊波澄月不流開林
無世界繫舫有虛舟爲語主人在能爲信宿留
移牀就秋月直自臥冰壺世不少吾輩天能容老夫異書
藏石匣名酒出山厨受享長如此愚公太不愚

白岳金闕留題

聖主親題封禪文何如七十二朝君丹梯直上迷青霞紺
殿平開護白雲圖就帝京千幅畫引來仙吹半天聞向平
婚嫁知能畢杖底名山許自分

過賈誼宅

淒淒秋雨度寒林太傅荒庭鎖竹陰
漢主好文三策重吳公知己一人深
慵將涕泪流湘水可擲榮枯聽鳥音
立馬躊躇君去後自憐銷却少年心

夢中題

直上崑崙幾萬重青來朶朶削芙蓉
澄潭漾月渾如玉怪樹籠霄不是松
天地悟回空一馬斗牛寒淨只雙龍
泠泠聽得人閒世鐘磬依稀落半峯

東岱

出佐名州海岱邊喜逢謫處便爲僊
迎陽洞口非凡地看日峯頭接上天
殘去石經畱晉字老來松樹帶秦烟
可緣

青帝從香案傲吏前身不記年

訪秦老於江閣分得青字

江閣無人也不扃何當問字列元亭酒杯對客堪浮白山
色憐余特送青長嘯直如招隱曲劇談都是衛生經獨愁
野老蕭條意皂帽年年一管寧

止窩

茅廬亂結草橋東自隔江城路不通春社舊巢來燕子夕
陽新酒醉漁翁溪邊楊柳寒添綠雨後桃花濕帶紅閒處
每遺身共世素心應與古人同

過湖

木落霜高水欲停漁歌四起漫揚舲愁生極浦身如夢醉

看他鄉眼未醒返照新晴山欲紫生潮半夜海都青風波
不定愁人世轉爲尊鱸憶遠汀

金山寺

望遠蓬瀛挂斗牛乘風直許片帆收自開天地鰲能載長
結樓臺蜃不浮老衲千年依幻住狂夫一日采眞遊江山
若道登臨窄更擬畱雲頂上頭

江山一幅畫圖前玉鏡中分太宛然京口夜連瓜步月海
門秋淨秣陵烟帆檣浪疊來千里鐘磬霜空落半天可有
向平蕭散客便依僧舍此安禪

西湖和韻

強年拂袖許逍遙畫裏西湖好自嬌人妬桃花低水面池

開蘭若半山腰
帆前風雨來三竺
醉後溪山混六橋
烟景爲人長是舊
謾將今古說南朝

三過雲間

浮家汎宅竟何如
可道烟波自有廬
閒看古今皆大夢
醉畱蓑笠枕殘書
青山似舊長爲主
白髮無私正到予
莫使松江漁父問
年年苦是愛鱸魚

謝伯英

謾道狂且作子都
青春桃李兩相扶
瑤琴汝竇憐司馬
玉鏡子今愧老奴
晚歲長應依野衲
來生倘許共流蘇
江城豈乏東牀客
未必秦樓夢有無

歌風臺

衣繡真看不夜行歌風臺上帝星明軒蛇早已窺符命逐
鹿今初息戰爭十日可畱酣父老四方無守失韓彭雲飛
木落誰豐沛亭長猶能問姓名

送太神還廬山

瀟灑風巾自不羣堪携勝具出塵氛虎溪再有三人笑鸞
嶺應從五老分香氣濕衣松正雨佛光開鏡水涵雲坐看
飛瀑真如織爲剪羊欣白練裙

送汪天民移家入黃山

顛狂不辨老來情忍見紅塵負此生妻子漫携爲道侶琴
書無恙歷山程雲中自可畱鷄犬世上于今識姓名七十
二峯天不遠苾袍長是御風行

湯顯祖

顯祖字義仍號若士又號海若臨川人生而有文
在手稱奇童萬曆十一年進士張江陵欲羅致之
謝弗往官南京太常博士遷禮部主事抗疏論政
府謫徐聞典史遷遂昌縣有古循吏聲會上計投
劾歸不復出有玉茗堂集

夕林

槭槭花巖幽竹葉微風笑涼螢亂池上水鳥時一叫清沐
坐來久前林月開照不知山氣深冥蒙覺葱峭

達奚司空立南海王廟門外

司空暹羅人面手黑如漆華風一來覲登觀稍遊逸戲向

扶胥口樹兩波羅蜜欲表身後奇願此得成實樹畢顧歸
舟冥然忽相失虎門亦不遠決撒去何疾身家隔胡漢孤
生長此畢猶復盼舟影左手翳西日嘆匈帶中裂嘲隴氣
噴溢立死不肯僵目如望家室望手一何似光景時時出
墟人遞香火陰風吹翠輦上有南海王長此波臣秩幽情
自相附遊魂知幾驛至今波羅樹依依雨蒙密波聲林影
外簷廊暝蕭瑟

京察後小述

邑子久崖柴長者亦搖簸含沙吹幾度鬼彈落一箇大有
拊心嘆不淺知音和參差反舌流倏忽箕星過幸免青蠅
弔厭聽遷鶯賀賤子亦如人壯心委豪情文章好驚俗曲

度自教作貪看繡袂舞貫踏花枝臥對人時欠伸說事偶
涕唾眠睡忽起笑宴集常背坐敢有輕薄情祇緣迂僻過
一命淹陵署六歲逢都課浮譟今已免不謹前當坐有口
視三緘無心嘆八座骨相會偏奇生辰或孤破吾心少曲
折古人多頓挫脫落慕仙才點掇希王佐咄咄竟何成冉
冉誰能那

飛來寺泉

峽山雲氣深松栴糝蒼徑縹緲遶屏翠闌干抵一凭山僧
日影過禪房點清磬窅爾寒泉下泠然愜孤聽近音風葉
灑遠韻蒼梧應小品甘露華長流水晶瑩曹溪脉陰引炎
岡冰欲凝稍動寒漿色雅與齋厨稱花木恣涓滴竹杪通

餘賸經聲法流湧猿吟峽僧定瓶鉢住空影尋常傾最勝
何意熱中人洒落飛來興

宿浴日亭因出小浪望海

爲郎傍星紀江湖常久居倏忽過南海片帆挂扶胥隱隱
岸門青杳杳天池虛培塿澹凌歷氣脈流紆徐湖廻小洲
渚龍鱗勒溝渠於中藏小舟其外懸日車雲影蒼梧來咸
池相卷舒孟冬猶星河淡月沾人裾陰陽盪揮霍精色隱
踟躕濯足章邱餘沐髮扶桑初濤輝臨伯盤若木鮮芙蓉
西顧連崦嵫東眺極扶餘小浪亦莞爾大波始愁予嶼舶
自吞吐樓櫓成烟墟飛金出熒火明珠落鯨魚吾生非賈
胡萬里握靈胥掩靄羅浮外傳聞仙所廬玉樹如冬青瑤

芝若枿欄陽鳥不日浴晝夜更扶輿丹穴亦不炎好風常
相噓白水月之津一飲饑渴除徐問汝仙尉去此將焉如

送內方山人還天臺

滄海冥冥吹遠松青霞片片生殘峯括山一萬六千丈山
人一室烟嵐濃南連委羽紛靈聖金芝翠籥玲瓏映四明
雲日自開窻五縣山川若搖鏡山人原合住山閒每怪山
人不住山我夢天台無羽翼空歌積雪送君還

送胡孟弢應制兼懷趙夢白劉子元

蓮花峯頭君不住桃葉渡前君復度張燈作酒臨朱絃美
人一曲傷遲暮鄉心寧道隔山川客鬢懸愁浥風露揮鞭
極目長安雲盡屏回首江南路君今與我非少年君容故

好能談天傾坐惟須綠玉管結交底用黃金錢謹言耳目
都非是始悟肝膽真徒然數年苦讀絕交論昔歲貪看游
俠篇酌酒對君心不展北斗臨城路東轉非關遊子易此
離自是世途多偃蹇多拚獻歲入西秦卽漸殘年泊東甌
江外含梅冰雪深河陽著柳春風淺春風魯酒送行軒青
莎襪樹難攀援舍人就詩稍梁殿方朔上書金馬門風塵
陌上新知樂煙雨江南舊客憐不見恒山趙夢白爲問汝
南劉子元

雀兒行

棲陰魯陽穀信宿田公廬道逢雙髻子手提黃口趨問從
何方來答言從構櫺登嬉發落戶母出子見拘直用充狸

脯不足奉賓厨羣雛何啾啾
鳬鳬在須臾觀聽發三嘆爲
乞此兩雛答言無所歸巢傾
母已無放之不能去空爲大
鳥舖屏營作方畧令持示我
妹爲我置高軒養大縱所如
我妹應聲起削楷以爲樞縷
粘數縱橫網薄相離婁籍以
翠枝葉安設繡窻隅飲以冰
盤水飼以紅粟餘仍爲潔爪
果致祝兩禽初一是星中鶉
一是日中鳥精氣感無微當
知護汝軀惠養豈不至野性
終踟躕兒童愛觀弄長者意
自殊羽翼自成飛但往不復
呼

陽穀主人飲

趨踰乃人理臥托非世資
經知華闕路稍悟山中時
蕭蕭河上遊日暮風塵吹
何意客陽穀始得坐茅茨
前扉眺南

雲後牖延北颺幽樹蟬鳴中稍與樵歌宜主人重風義斗
酒相過隨時時道風俗閒襟以書詩主客自臨酌童婦或
觀闕並言此官客日昨自河湄如何屏騎從冠帶了不施
敕薄不厭進鷄寒不肯持客聞自驢嘯愈益縱巾綦想念
家山下風義亦如斯蕭曠樂斯土奈何當見離勉身一從
秩不獲戀所怡旅翼終南飛徘徊經宿池人生苟有情別
夢當遊茲

三十七

我辰建辛酉肅皇歲庚戌初生手有文清羸故多疾自脫
尊慈腹屏轉大母膝剪角書上口過目了可帙家君有明
教大父能陰騭童子諸生中俊氣萬人一弱冠精華開上

路風雲出畱名佳麗城希心遊俠窟歷落任世事慷慨趨
王術神州雖大局數著亦可畢了此足高謝別有烟霞質
何悟星歲遲去此春華疾陪畿非要津奉常稍中秋幾時
六百石吾生三十七壯心若流水幽意似秋日興至期上
書媒勞中閣筆常恐古人先乃與今人匹

送范敬之郎中奏滿便遊匡山

受命鍾陵下杳曖蒼梧閒清齋隔浮世道書酌素顏往往
應鄉語時時畱子餐君容何樸樸君心殊蕙蘭雖沉中聖
答彌著獨醒言塵情若飛葉素懷乃流根忽聞當北陸奏
秩且南轅芳春集廬嶽晏歲及家園家園日月晚廬嶽烟
雲繁出山苦不易入山良復難願言最幽躅無令芳緒殘

從張相國桃花嶺收次八韻

昔聞桃花源今見桃花嶺
安知出世心居然妙者靜
山川動凌歷攝應在俄頃
石室搖天牕花宮注靈井
心隨雲壑遠色與江霞靚
咲拍洪厓肩步駐鸞簫影
逶迤黃綺事眷戀空明景
問道此何時汾陽氣方永

贈舊時守吳淞張伯常觀察并懷馮公時可

昔飲神姥井常眠簫曲峯
鷄犬天中鳴煙墟雲外春
良哉二千石煙膏盈四封
一葦臨川城溯洄安可從
春風吹豫章燕眺承清容
授以華亭篇披豁生微悰
素若月窺篠蒼如露滴松
江靜散霞綺巖虛出雲重
寂寥僧磬閒時一聞鼓鐘
馮公括蒼時揮灑興何濃
淡迹到黔越開心見吳淞

長吟滄海閒雲中成二龍

上已前一日永寧寺同甫中藍翰卿宗侯鬱儀孔陽
孝廉鄧大素

發春如有期扁舟一遊此孤生寡儔寓禪寂傍棲止何意
風雨稠坐見春華駛殿含鐘磬濕戶漬琴書委不言良已
深覘蹊遲桃李所思猶未遠舉洲泥蘭芷同聲百年內朱
門二三子零落在茲辰畱連及芳齒念往夕無寐欣來動
有以交新謝輪鞅道舊延簪履松門畱一晤海客談千里
未覺風雅頽乍摩衣裳起高花動寒色木蘭漾清美開軒
邀誰似遠道嗟何已物感陰晴候人疑盛衰理龍沙往猶
滯簫峯上難擬且就聲聞醉將妨語言綺秉蘭希茂樹泛

羽檄流水所幸無俗物吳謳稍清耳蕭條隨曲終局促非
願始上已卽晨遊明湖恣清泚

送葉納廷令福山歌

池上芙蓉枝臨流映高潔豈不懷清霜幽意自相悅周旋
未云久忽此新橋別江南氣猶燠度淮天欲雪今去何當
行路難前來止坐催科拙詔書絡繹行催科縣官躋促當
如何男兒不肯負心仰天嘆河陽海曲長奔波我昔彈琴
括蒼曲十載田園媚松菊稚子告予君欲行忽忽鳴騶思
出谷把酒搔頭臨近關鴻鴈天高叢菊斑年來有興蹈東
海與君一望三神山

懷帥惟審郎中戴公司成

著冠須訪戴脫冠須訪帥磊磊一心人離離十星歲戴公
入山水淡迹分明昧喜沾清悟姿不惜沉冥醉帥生能造
酒酒色清如菜高談常夜分哀歌忽雷潰兩君真晉人士
性有癡慧相見卽相親了非心所解如雲墮江光顛倒影
在內心歡常若茲日月亦清快重來斷清嘯不復可人在
飄撇事詩酒按筆坐巾帶帥生烟霧中戴公江海外但想
卽成笑寄書亦何賴

離合詩寄京邑諸貴

琅玕豈不珍玉屑竟誰飯檜樹鬱冬皋木葉辭秋苑矜曲
自悠悠衣帶日趨緩乘月望風霄人遙尺書斷

黃岡西望寄王子聲

白露滴江城江聲遶秋至心賞不在茲幽芳渺難寄木葉
號蟬悲水荇潛鱗戲日氣淡芙蓉雲陰生薜荔栖栖王子
情默默楚人思未及湘纍醒且共蓬池醉遙松起暝色虛
竹驚寒吹物往年序遷情存風景異樵歌歸影遲新月忽
在地

相如

相如美詞賦氣俠殊續紛汶山鳳皇下琴心誰獨聞陽昌
與成都貴賤豈足分子虛乃同時飄然氣凌雲臥託文園
終不受世訾氛清暉緬難竟遺書封禪文知音偶一時千
載爲欣欣上有漢武皇下有卓文君

麗水風雨下船棘口有懷

石城雙水門落日遠江介春潮風雨飛暮寒洲渚帶流雲
蒼翠裏緒風簫鼓外分披悟曾歷合沓迷新屆宿露緬餘
邱生洲隱遙派地脉有虧成物色故明昧曲折神易傷幽
清境難會江花荒流放岸艸悽行邁不見林中人自撫孤
琴對

答姜仲文

白日不可常孤雲亦何媚萋芳淡遊子流泊世所棄事去
息交久書來喜君至愛日生寒姿停雲起高翅經營二三
月颯還豈遑避驚看就長揖道故如失志相聞善爲樂相
見乃憔悴爲文寧自傷情多或爲累感君珍重意承驅不
能淚在沼魚何樂先秋葉難翠長歌聊復聲短袖時一戲

今日眼中人何年心上事

夜聽鄧孺孝說山水

終日他鄉作遊子到處不曾離屋底鄧生爾時何許來罷
酒彈燈說山水君家最近三茅君我家慣看爐峰雲山水
眼前人不住遙山遠水復何云

寄嘉興馬樂二丈兼懷陸五臺太宰

爲郎苦遲去官早歷落鄉關罷倫好忽忽神遊京洛春泣
向五臺原上艸馬翁只似扶風人樂生當作望諸君臥想
少遊何可得高臺百尺凌青雲世局風流長似此曾見英
雄長不死江山歲月老閒身風雨魚龍動君子沙井闌頭
初卜居穿池散花引紅魚春風入門好楊柳夜月出水新

芙蓉往往催花臨節鼓自踏新詞教歌舞青春索向酒人
拋白髮拚教侍兒數烟雨樓前烟雨迷鶯脰湖邊鶯脰啼
但取風光足留賞越西還勝大江西

送楊安入太原軍

星使三河外春王二月初風雲臨上黨花鳥入昭餘關近
笳聲急川遙騎影虛世途君自見長嘯欲何如

對客

流泉亦可聽風色倍泠泠去住人難定登臨酒易醒吟蟲
過暮雨來雁響秋汀祇合瀟湘路彈碁坐竹亭

多年成散木此日更浮萍漉酒幽人至吟詩少婦聽園林
開夜色河幔卷秋星却憶鍾山隱時時問草亭

秋夜入廣別帥郎

江潭殊自嘆搖落未經知昨夜秋聲起相逢憔悴時園林
阻芳色河漢渺佳期起視浮雲氣蒼梧不可思

寄馬長平理廬州

登高送目海雲東鳴雁秋生碣石宮小吏廬江看執法諸
侯泗上待趨風鄉心欲賦梁園盡別騎纔嘶漢苑空不惜
放歌今夜好與君千里月明中

送李獻可資馬價薊門便攜家歸華山

李君同是沈
几軒先生門

人也

休文池館映青衿每話三秦動我心騎省晝移宮樹綠客
窗秋夢岳蓮深佳人並操歸鴻曲國士先馳買駿金爲過

薊門東掖望馬蹄冰雪正難禁

答君東天津夜泊

津館蒼茫別未曛滿簷秋色爲思君風生積海連山霧月
落長河半樹雲欲睡動尋千日酒憐香眞惜十年薰如何
咫尺關南道只似江空與雁聞

送劉子極歸餉蘭州

劉生西笑出蘭州餉道封帑卽晝遊雁勢連雲侵岳影蟬
聲隔樹見河流龍門泛雪誰邀賞騎省吟秋我獨留生長
羌中慣橫笛落梅疎柳詎關愁

虞淡然在告

葱瓏浮闕定星光河漢風清有報章秋水岸移新釣舫藕

花洲拂舊荷裳心深不減三年字病淺難銷十步香剩有閒情堪弄月西湖竹色未應涼

寄右武滁陽

奉常東署黯離居賓從逢君興有餘夜館聽歌迴騎曉春城中酒落花初山當挂笏時看馬客過濠梁獨羨魚最是隔江楊柳色鄉心那惜數行書

平昌得右武家決絕詞示長卿各哽泣不能讀起罷去便寄張師相感懷成韻

哀響秋江迴雁聲雨霜紅葉淚山城年來漢網人難俠老去商歌客易驚貝錦動迎中使語衣冠誰送御囚行長平坂嶽衝星起可是張華氣不平

臥邸寄師思南

臥病高齋倚葛巾
陌頭何地著清真
晝長門簿添過客
夜短紗窗減侍人
西郡酒泉那可乞
南城冰井復無因
惟堪夢裏期心賞
竹簪花溪過西辰

陪張師相桃花嶺卽事

桃花和雪洗紅顏
石室晴雷殷遠山
爲報沙城舊仙侶
千年纔見一人閒

石梁斜日見遊魚
題句長驚駟馬車
今日相公成大隱
不勞沈却豫章書

初至江關

朔方空水陸南國自山川
夜月啼飛鵲秋風咽斷蟬
宦遊

長是客吏隱卽爲仙剩有青燈在鳴榔上酒船

懷帥惟審

萬壑千山興有餘仙人署裏賦樓居只教臥病常中酒莫
道窮愁欲著書煙月西湖人唱晚山川南國雨晴初相思
兩地無相識待向濠梁一問魚

送劉祠部視學南中

漢渚孱陵路不迷平夷秋色倍萋萋須過列郡開神馬未
許祠官問碧雞文物自連交海北鄉音半逐楚雲西諸生
盛有談經興無事相如到若溪

送徐司廳歸越

畫舸悠悠簫鼓聲石蒲尊酒映人清坐隨明月江中

向山陰道上行暑路獨宜驅傳早涼園初稱舞衣輕祠郎
亦有鄉關思爲報還曹及早鶯

送徐士彰諫議辭越憲歸宜興

君歸不作老明經似有封章在漢廷忽報天台行部遠却
憐陽羨故山青香添畫閣傳經罷雨洗春泉宿酒醒莫厭
此身如病鶴年年清迴憶江汀

大廟峽

縹緲香爐峽雲祠山翠中蠻歌聽不見叢竹暮江風

去錢塘別劉季德聞叔秀

賓從紛然去主人難自歡錢塘秋八月潮上欲生寒

送秦次君之汴

朝雲障日望南洲
一曲蘭歌清漢流
爲過雙溝莫留悵
月明無限吹臺秋

送客湘東

拂檻菱歌餞遠遊
斷蟬疎雨最宜秋
思君獨夜夢何處
斑竹簾西湘水流

觀回宿龍潭

是歲春連雪煙花
思不堪雨中雙燕
子今夕是江南
雁山大龍湫

坐看青華水長飛
白玉煙洞簫吹不
去風雨落晴天
信陵君

魏國乃爲累萬古
悲公子世上無神
仙英雄如是死

黃金臺

昭王靈氣久疎燕今日登臺吊望諸一自蒯生流落後幾
人曾讀報燕書

新林浦

凌陽浦里雜花生曉屋鳴鳩春樹晴昨夜南溪足新雨輶
轡原上踏歌聲

江宿

寂歷秋江漁火稀起看殘月映林微波光水鳥驚猶宿露
冷流螢濕不飛

寄林巴陵

漢西門上月華流澧浦湘君玉佩遊借問仙鳬何處遠白

雲飛滿洞庭秋

莫愁湖

石城湖上美人居
花月笙歌春恨餘
獨自樓臺對公子
晚風秋水落芙蕖

石牛渡菴

枕帶河橋傍夕曛
石牛風起過殘雲
不知簷外千竿雨
和夢蕭蕭得此君

韶陽夜泊

秋光遠送芙蓉驛
亂石還過打頓灘
獨棹青燈紅樹裏
露華高枕曲江寒

送黃九洛歸虔

遊子江南春草齊
秣陵行色遠萋萋
臨流一道章門柳
長逐相思到水西

西山鸞鶴起晴烟
南浦驚逢上瀨船
怪得異香常入夢
君家九十九峯前

一湯開先

開先字季雲臨川人
顯祖子喜爲詩有齋曰卿庖
有父手植柳一枝嘗與名流
宴其下工古文才思敏贍著
有潭庵集

登青雲峯

選勝無如此地登
頓令暑思冷于冰
閒雲來去常如客
亂石縱橫不礙僧
寥廓入秋聲
每應孤高得我氣
相凌
祠前

古木斯人在任爾顏闌一曲凭

百花塔

塔在百花中花紅塔亦紅欄杆鶯報午鈴鐸鳥呼風野火
將燒佛天香欲滿空至今洲上草全碧映芳叢

捲雪橋

積雪已無地斷橋猶有人牛羊向山路樵採接城闌雲白
連三里烟青幾四隣行歌如太古路上見遺薪

江表傳卷六十